

Хіяж – Исламла удикъяна!!!

Ибрагъим идбагли КягІба балкъаахъурли гІергъи, Аллагъли ﷺ илизи адамтази хіяж барес бакІахъес вявахъес хъарбариб. Ибрагъимли иб: «Я Аллагъ! Нуни къалли жибири, илдани бикъура дила тІама?» Аллагъли жаваб чарбатур: «ХІу вявикІен, илдази хіела тІама Нуни бикъахъис». ИлхІели Ибрагъим адамтази вявикІес вехІихъиб: «Я адамти! Аллагъли хІушачи хіяж хъарбариб, хІушани хіяж биреная».



Ил тІама бакъибси гъарил рухлі иб: «Лаббайка» – «Ну мутІгІвакІили, Аллагълис гІибадат барес хІядурлира». Адам иш дунъяличи вакІибхІели, итала рухлі ил тІамалис чуйна жаваб бедили биаллира, илшад сунени хіяжра барес имкан лябкъян. Хіяж Исламла шуэсил рукну саби. Хіяж бирутири лебил гъа-

лабла идбагунанира, нушала Идбагла ﷺ умматлисра гІямрулизиб гъачам барес чебла саби. Идбагли ﷺ иб: «Ахъри лебли чили хіяж хІебараллира, ит адам дигалли иудейли, дигалли христианли вебкІаб». Хіяжла дурхъадешличила бурули Идбагли ﷺ иб: «Аллагъли ﷺ къабулбарибси хіяжлис сегъуналра кери лебси ахІен, алжана ахІенси». Пурра Идбагли ﷺ иб: «Чили КягІбаличи хіяж бараллира, ит нешли варкъибси бархІиван лерил бунагъуназирад умувиру». Пурра Идбагла ﷺ хІядислизиб леб: «Хіяжра Пумрара бирути – Аллагъла хъули бакІибти гІяхлі саби. Аллагъли чус дигуси гъар секІалра бедили, илдада тавбура къабулдарили, лерилра чула бунагъунира умудиру, Аллагъли илдада балгадугІяра къабулдарили, цархІилтас бируси шафагІятра чархІебиру».

СТР. 3

Зуль хІиджа - хІяжла баз

Зуль хІиджа базла вецІал бархІила дурхъадешличила луклули нушала газетализиб мер кахІевлан, нушанира къантлі бурес къайгъи бирехІе. Илди бархІназиб нушала Идбаглира ﷺ дуббуцури дурцес дурхъали чебаахъиб.




Идбагра ﷺ сунела дурхъаси хІядислизиб викули сай: «Ихти бархІназиб дуббуцури адам Аллагъли ﷺ вецІал секІайчивли дурхъавиру: Сунела гІямрулизи баракт хъурабиру, сунела мас-давла имцІабиру, сунела хъалибарг балагъуназирад берцили бирар, сунела бунагъуни умудирар, сунела гІяхліти гІямалти имцІадирар, бебкІала излуми кунқдирар, хіяб шаласи бирар, гІяхліти гІямалтала умцант декІбирар, Жагънаблизирад верцили вирар, ахиратлизиб сунела даража имцІабирар». Пурра бурули саб, Аллагъли ﷺ дусли духІнар 30 бархІи декІарадариб, Рамазан базла гІергъити вецІал бархІира, чузиб лайлатуль къадрида дуги лебни багъандан, вецІал бархІи Зуль хІиджа базла, чузир тарвиятла бархІи, гІярафатла бархІи, къурбантала бархІни, хіяжла ва хіяжличил дархъасунти дурхъати баркъуддуми лерти бархІни багъандан. Пурра хІядислизиб бурули саб:

«Аллагъли ﷺ малаикунази ируси саб: ХІерая дила лугърачи, гъар мерличибад, гІеркъалибад, къиянти чедаили Ну багъандан бакІибти, хІуша бикърилли дирулра Нуни чула бунагъуни умударнилис». ВецІал бархІи мухІямла бархІни, чузир гІяшурала бархІила баракат лебни багъандан. Аллагъли ﷺ чучи уркІеци бараб, цабехІти гІялимтани бурули саб, адамли Аллагълизи ﷺ Рамазан базла дуббуцурас гІергъи чиди бархІназиб дуббуцури дурхъали дирарал хъарбааллири, Аллагъли ﷺ илис Зуль хІиджа базла вецІал дуббуцари чердирахъи или.

СТР. 5

Пикридухъенная!!! Халал замана агара!!!

Азирлим авдари ду сгъалар Идбагли ﷺ гъалахили дурибти ахират гъамбикІнила лишанти. Ахират гъамбикІниличила бурути дахъал лишанти лерти сари. Халати лишанти гъачамлис дагъардулхъес дехІдихъили ахІен. Амма иличила бурути дахъал дибгІянти лишанти хІясибдарес вирули сай.



ДибгІянти лишанти:
1. Дагърида шайчирти цІябдеш имцІадикІули сари, багъуддуми (динна шайчирти) камдикІули сари.
2. ЦІябти адамти хІукуматлис бекІдеш дирниличи лябкъули саби, илди, адамтас буйрухъбикІули саби.

3. Кепирахъути держ пайдаладирни имцІабикІули саби.
4. Динна шайчирти къулукъуни лайикъагарти адамтачи хъардиркули сари.
5. ГІялимти бунагъуни диранти бетарули саби, динничи кабизурти адамти цІябдешлизиб саби.

6. Адамтани чула мурадуни сархес къасличил цархІилтала хІурматбирули саби.
7. Хъунрала асарлиу бикили, муйли чула бегІтачи къаршили дурабулхъули саби.
8. Лайикъагарти адамтани жамигІятла бухІнаб хІурмат сархули саби.
9. Музыкали адамтала гІямрулизиб халаси мер бурцули саби, хіяжла ваяхІли имцІали пикри битгІикІули саби.
10. Дахъал дярхІаначилти ахъти юртани лушули сари.

СТР. 6

ПеметеркІла шилизиб гІялимтала мажлис бариб



СТР. 2

Идбаг ﷺ висивиахъибси суал



СТР. 5

Аллагъличи ﷺ лагъ вегІлара гъамвируси мер – суждализиб саби



СТР. 6

Къаркъа камлис къулуць барни



СТР. 7

ГеметеркІла шилизиб гІялимтала мажлис бариб

Август базла 8-ибил бархІ Ахъ-ушала районла ГеметеркІла шилизиб гІялимтала мажлис бариб. Мажлисла баракатличи хуълбикІули шила джамагІятра цалабикиб, декІар-декІарти шимазибадди бахъал гІяхІлира бакІиб. Мажлисличи цалабикибти халкълизи вягІза-насихІят дурес Дагъиста бусурмантала идарала хІянчизарти бакІиб, хІурматла гІяхІли бетаурли мажлислизир бутІакъандеш дарес бакІиб Лавашала районла ГІяршила шила имам ГІяли хІяжи, дягІватла хІянчизар Мюрегола шилизивадси ГІиса хІяжи, дягІватла хІянчизар Кизлярлизирадси Абусупъян хІяжи ва цархІилти. Мажлисличи бакІибти хІурматла гІяхІлазирад машгурси гІялим Мямма хІяжира леври.

ГІядатливан мажлис бехІбихъиб дурхъаси Къуръа аятличибли. Динла узби-рузбас насихІят бирули ГІиса хІяжи викІар: «Нушала Идбаг ۞ викІули сай: «Марлира муъмин адам сунела гІяхІси гІабигІятличил дубурцусилара, дугели шала дикайчи гІибадат бирусилара даражаличи аваэс вирар». АхІерти узби, бирар ца халаси гъуни, итарадди дашар лерил машинти, ит, халаси, гъарзаси биъни багъандан, итарра дахъал машинти цаладиркур, дарцдиркур, пробкаби детарар, ит гъунила мякълаб бирар ца чІяртІа, биштІаси гъунира, ит гъуниличивадлира вирар халал гъуниличичи кабизуртачив гъаввиэс, ихгъуна саби баян ит хІядислара.

Адамтани халаси гІибадат биру, дубурцар, шала дикайчи гІибадатлизиб буркІу, амма адам сунела гІяхІси гІабигІятличивли идачив гъаввиэс вирули сай.

Нушала Идбаг ۞ мижитла ухІнав левли сунела асхІябтази викІар, гъанна иша ухІнаулхъан Алжанала адам или. Пергъила бархІира Идбагли ۞



ихи иб, гІур гІергъила бархІира сунела гъай тикрардариб ит адамла хІекълизир. ИлхІели ГІябдуллагъ ибн ГІямр ибн ГІяс хулухъун ит адам се баркъудиличивли Аллагъли ۞ ихцад дурхъаварибсил багъес. Ибра гІяхІялла дарили ит адамла хули вякъун. Итинира гІяхІялван сунела хули арукили итис гІяхІялдш дариб. БархІи бикибхІели ГІябдуллагъ ибн ГІямр пашманвиуб сай вакІниличивад ита, сенахІенну итини ит адамлизибад кабиркуси халаси гІибадат чехІеаиб. ГІур сенлира илини ит адамлизи буриб сунела дард. Итра викІар: «ХІуни дила гІямал чебаири, нура халаси гІибадатлизиб

мурхъвикибси ахІенра, халал гІибадат хІебирис, Амма Аллагъла ۞ Расул ۞ набчила или викІули виалли, ну Алжанала агълу ветарахъуси набзиб ца хасият бургар гъатІи силра биэс хІебирар. Ну дила гІямрулизив чичилра я гІясивиубси ахІенра, я чичилра урКІигІергъи дулхъахъуси ахІенра». ИтхІели ГІябдуллагъ ибн ГІямрли аргъиб ит хасиятли сайни ит адам Алжанала агълу варибси».

ГІур гъай бедиб Абусупъян хІяжи: «Бусурмантала цаэси халиф Абу Бакрли ۞ дьвтази гІяскар бурхъухІелли Усамат ибн Зайдла бекІдешличил, илини илдас насихІят бирули хъарбарибсири гъунчир к ъ а р ш и д и к и б т и гулги, бегІни, адамтала хъалицІа, шими заяхІедирахъс. Хаслира декІарти динанала адамтани гІибадат бирути меранира, церковьти диаб цархІилти диаб гъамхІебики датахъес хъарбарибсири. Чучи ярагъ ахъбуцибси адамличи ахІенси чулира ярагъ ахъхІебуцахъес, зарал хІебарахъес хъарбарибсири. ХІердизирая ишбархІила анцІбукъличи, нушала Дагъистайзир лерти даргала, арахъала, къумукълантала, булугунала миллатуначи мешути Сириялизир лерти сари. Илдазибад цабехІтас «Изидуни» или бикІар, чули буруливан джигъадличи дурабухъунти муджагъидунани илди изидунала халкъ че викаллира мазала мерлав лугъули сай. Илдада рурсби 100-200

долларлис бирцули, исули, изна-силовать бирули саб, хъунри, бухънаби, биштІати хІебикІули лебил кабушили лайбикІули саби. Их сабу джигъад?!!!

Набчи гъаман къаршибиркули бирар адамти, чузи динличила бурухІелли илди бикІар набра дигъаси динлис кумек барес или. Сен хІебирида гъатІи или илдази хъарбалли илдани иру нушала ахъри агара, ит пулан адамла миллионти лер итис се леба гъатІи динлис кумеквикІес или. Нуни илдази ирисра даршал къуруш агарси че лева, сен ца къурушли кумек хІебирида, арадеш леб, къашми-някъби лер сен илдачибли кумек хІебирида или. Марлира дахъал миллионти гІягІнити ахІен динлис кумек барес, Аллагъла ۞ динра нушала кумекличи хІяжатси ахІен, динлис кумекдикІес нуша сарра хІяжатти. Даршал къуруш лебсини вецІал къуруш Аллагъ ۞ багъандан харжбарес хІейралли, итис миллионти дедаллира даршал азир харжбарес хІейрар».

ГІяршила шила имам ГІяли хІяжила гъайлизирад: «Жагъил, хІядурти дурхІни леб, илдира датурли муцІуртира гъайбикІули саби динла хІекълизиб, сабира дебали хатІабиркули саби, илизи хъарбалли хІуни чинад багъурсири ил секІал или, илини ирули саби «Брат мусульманинли» иб или, че саю ит брат мусульманин, чинав учІули калунсив, се белчІунсив? ХІела брат мусульманинли дурути дила брат мусульманинли дурутачи къаршили кадилзулигу, нушала брат мусульманнтазивад чиди гІяхІсив? Дила брат мусульманин Имам ШафигІи ۞ сай, хІела че саю?».

ХІерила дехІбайчибли мажлисла таманбариб, бархси балгара бариб.

Къала-къурайшлизибси зияратличи гІядатливан халкъ цалабикиб

Август базла 11 бархІи Къала-къурайшла шилизиб гІядатли бетаурси мажлис бариб. Хабарлизиб бурни хІясибли ит шилизи бакІибти цаэсти асхІябти 11 августла бархІилизиб бакІибтири. Их лугІира гъар дус гІядатли буцули халкъ зияратличи цалабиркути саби. Зияратли бакІибтазив машгурси вягІзачи, дербентла районла халал Магъди хІяжи Абидов леври.

Магъди хІяжила гъайлизирад: «Гъарил адамла гІямрулизиб замана лябкъуси саби, ит сунела гІямруличила пикриухъунхІели. Ит пикриулхъан ну иш дунгъяличи селис акІубсирара или, укули, ужули, хІяжатхъанала вашес, укули, ужули, хІяжатхъанала



вашес, их сабира дила баркъуди, ахІи себиалра пайдаласи барес акІубли ургусрагу. Ит заманара саби Аллагъли ۞ ит адамличи Сунела урКІеци хъурабарибси.

Гъар шилизив, гъар шагъарлизив учІуси адам виэс хІяжатси саб. Дуравад вакІибсиличичи хуълмадикІудая, ит, заманалис вакІибси сай, ахирра ахир ит хІушачивад аркъян, хІушала шилизивси биалли хІушала мякълав кавлан. ХІябал адам бархъая гъар шилизибадди мадрасала, сенахІенну Имам ШафигІини ۞ бурули сай гІилму мурул адамтала гІямал саби итра хІебучІа чІумати мурул адамтани ахІенси или. УчІахъес ца вархалли итини сабул барес хІейгъубли вебшес асубирар, хІябал бархалли идазирад цалра чІумаси муру адамли увулхъан».

Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана	Главный редактор Азиз МИЧИГИШЕВ	Менеджер Абдусабир АХМЕДОВ	При перепечатке ссылка обязательна.	Адрес редакции 367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.
Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ	Редактор Асхаб ДЖАРБАЕВ	Газета зарегистрирована Федеральной службой по надзору в сфере связи, инжурационных технологий и массовых коммуникаций.	Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.	По вопросам подписки и доставки обращаться по телефонам: 914-222, 8-988-291-42-22.
	Канонический редактор Мухаммад ДАВУДОВ	Свидетельство о регистрации ПИ № ФС 77-42079 от 24 сентября 2010 г.	Заказ _____	e-mail: assalamweb@gmail.com; www.assalam.ru
	Корректор Асхаб ДЖАРБАЕВ		Сдано в печать 31 июля 2016 г. в 17:00	Тираж 3 200 экз.
	Дизайн, вёрстка Мухаммад МУХИДДИНОВ Иса ОМАРОВ			

ХІЯЖ – Исламла удикъяна!!!

1 « Идбагла ﷻ асхІяб ХатІабла урши Пумар ﷻ викІусири: «Дурхъаси Аллагъли хІяж барес бакІибтала бунагъунира умудури, илди тиладибикІуталара умудури, сарира зуль хІиджа, мухІярам, сафар ва рабиул аввал базла 20 бархІила духІнар». Илбагъандан гъалабла адамти, гъазаватли аркъути адамти гъуниббатес ва хІяжлизибад чарбиубтас гъунибаес дурабулхъутири. ХІяжликъянабала андаличи байбикІули, бунагъуназивад умули левалли чус балга барахъес тиладибикІутири. ХІяжлизи дураулхъухІели Хъуливад дураухъайчи дурхъали бирар кІел ракагІятла суннатла дехІбала дарес. Цаэсил: «Аль-ФатихІя» («АлхІям») белчІунхІели «Аль Кафирун» бикІуси сура бучІа. КІиэсил АлхІямлис гІергъи «аль-Ихлас» (къулгъу) бучІа. ДехІбала дарили гІергъи, гъаладуцили някъбира балга биру, гъуйчир къаршидиркути къиянтира шалгІердухъахъес ва чариубли вакІайчил хъалибарг жагали баргахъес Аллагълизи ﷻ тиладивикІули. ГъуйчивхІели хъумхІертес хІяжатли бирар дехІбайс гІергъи дирути ратибатунни дархъІедатурли дирес, сенахІенну илдас суннатла хІяжлис биркуси кері бикес асубируси саби.

ХІяжла арканти. ХІяжла 6 аркан лерти сари, илдазибад цаалра бархъбаталли, хІяж бетаруси ахІен:

1. ХІяж барес нигет.
2. Зуль хІиджа базла урчемъэсил бархІи Пярафатла дубурличи тІашкайзни.
3. Пярафатличивад чариубхІели «Тавафул-ифаза» барни (КягІбала алав 7-на алавбарни).
4. СягІгъю барни (Сафа ва Марва бикІути шурмала ургав 7-на вашни).
5. Гъез къицІдарни.
6. Ишди арканти нушани дурибти тяхІярли гъар эргъили дарни.

Илди арканти гІумралара черти секІлуми сари, гІярафатличи тІашкайзни ахІенси.

ХІяжла ваджибти (черти). ХІяжлизи аркантила дураад гІурра 5 ваджиб лер. Илдазибадли се биалра хІебарили калали, хІяж хІебелхъан, амма гІякІа бедес чебли бирар.



Илдара сари:

1. ХІяжлизи микъатлизивад ухІнаухъни.
2. Зуль хІиджа базла вецІгъэсил бархІи Муздалифализиб беркІни.
3. Къурбан байрамлис гІергъи ляркъути хІябал бархІи Мина бикІуси мерличир деркІни.
4. Джамарат бикІуси мерличи къаркъуби лайдакІни.
5. Маккализивад дураухъайчи тІавафул-вадягІ барни.

Илди дурибти ваджибатунназибад себиалра хІебарили калали, гІякІа

бедес чебли бирар. ХІярамла ванзурбачиб къурбайс белгъес лайкъсигъуна маза белгъни, их барес имкан агара биалли, 10 бархІи дуббуцарла дучес, илдазирад 3 Маккализив левалли, 7 хъули чарухъунхІели.

ХІяжлизи ухІнаухъи гІергъи дарес асубирути: ХІяжлизи яра

– Цаалра ника къицІбарес асубирути (амма диргалабулхъуси яра бячи кабиркуси ника биалли чеббердес асубирути).

– Мурул адамлис – хІяжатдеш агарли сегъуналра бирбубси палтар, гъалабад я гІелабад кІапІси дабри, бекІ кІапІбарни асубидарар.

– Хъунул адамлис – дяхІра, бекІ някъбира кІапІдарес ихтияр агара.

– ХІярамла ванзурбачив гІяярли дураухъес асубирути, илала дурабадра хІярамла бухІнаб сегъуналра къар заябарнира асубируси ахІен.

Ихди секІлумазибадли шаригІятла шайчибси хІяжат агарли себиалра барес – бунагъ саби. Илала дурабадра их секІал барили бетаалли, гІякІа бедес чебкабирар. Къаркъуби лайдакІайчил, къурбан байрамла бархІи балу балули, чи сунела хъунуичил гъудувиаллира, итала хІяж белхъан. Амма ил бехъубси хІяж таманбарес чебли бирар, челябкъуси дуслизиб ил чебахъили баресра чебкабирар. Илди дарнила дурабад мурул адамлис гІякІалис валри белгъес чебкабирар. Чили биаллира балу балули 3 гъез яра 3 ника кадикахъалли, яра тІемдикІути секІал къаркъайчи яра палтарличи дакалли, яра бекІ кІапІбаралли, яра дирбубти палтар чегъалли, яра гІяваси секІал муцІурла я бекІла гъезличи бакалли, яра хъунуичи байвикалли, яра къурбан байрамла бархІи къаркъуби игъубли гІергъи тІавафул-ифаза барайчи хъунуичил дебели гъамиалли, илис гІякІалис дирути 3 секІайзибад ца барес чебли бирар:

- 1) маза белгъес;
- 2) 3 бархІи дуббуцари дучес;
- 3) мискин адамлис 3 сяхІ анкІила дедес.

Ца кабикахъибси гъезлис яра никалис ца муд (650 гр.) анкІила дедес чебли бирар. КІел гъезлис яра кІел никалис 2 муд.

«Ну вебкІили гІергъи набчи зиярат барни, ну мицІирхІели зиярат барибсигъуна саби»

Ил девра Исламла жагати дугъбала бухъянси сияхІлизибад бетаур. Ашкарси саби адам сунес дигусиличи, сунени хІурмат бирусилчи имцІали гъавикІни. Зиярат Аллагъ ﷻ багъандан чичи-биалра (чина-биалра) укъни саби.


Аллагъ ﷻ багъандан зиярат барни бусурма гІяхІти баркъудлумазиб чебиур. ХІядис хІясибли, Аллагъли ﷻ иб: «Ну багъандан цалис ца дигути, Ну багъандан цаличил ца къаршибиркути, Ну багъандан цаличи ца башути, ва Ну багъандан цалис цали силра ахІерхебирути чараагарли Набра дигахъис». Гъарил бусурмай, сай Аллагълис ﷻ дигутала, чучи Аллагъли уркІенцІи бирути, талихІчебтала лугІилизвив виэс къас бараб. Зиярат асубирути мицІиртачира, бекІитачира. Иличила буриб Идбагла ﷻ хІядислира: «Дила хІябличи чи вакІалра, набчиб илис шафагІятдеш дарес хъарси саби. Ну вебкІибхІели, дила хІябличи вакІибси ну мицІирхІели вакІибсигъуна сай».

Амма вагъабионтас илгъуна зиярат хІейгахъу. ХІяжлизи бякъунтани Идбагла ﷻ хІябличи чараагарли зиярат биру ва чус шафагІятдеш дарахъес тиладибиру Аллагъ ﷻ багъандан. ХІясан ХІилмини белкІун, зияратличи аркъухІели, гъар ганзлис азир бунагълизивад умувури, гъар ганзлис 100 гІяхІти баркъуди лукІа ва ц.

Зияратличи дураухъайчи чебиркур:

- 1) Къаркъала баргаэс.
- 2) Умути палтар чегъес.
- 3) Тавбударес (бунагъуназивад умули укъес).
- 4) Аллагъ ﷻ чевяхІварес, бунагъхатІаличивад чеверхахъес дугІа барес,
- 5) «Аманту биллаги» белчІес.
- 6) 25 «Астагъфируллагъ» эс.
- 7) Нигет барес, масала: «Бисмиллаги рахІмани рахІим. УркІи-уркІиларад ва умули нуни къасбирулла Аллагълис ﷻ гІибадатбарес багъандан, Аллагълис ﷻ дигахъуси шейх (уличи) зиярат барес», (пулан дурхъаси мерличи зиярат барес). Зиярат асубирути шила хІябрази.

ВеГІла бегІтала, узи-рузила



яра устазла (шейхла) хІябличиб, асубирути:

- 1) ВявикІес, ахъли гъайвикІес.
- 2) ХІяб ганзбирес.
- 3) ХІяб алавбирес (хІябла алав тІаваф барес ил КягІба ахІен).

Зияратличи бусурман 70000 малаикли гъуниввалта, зияратличивад хъулира илкъайдали. Зияратличибтас малаикунани тасбихІуни (СубхІяяналлагъ) дучІа,

тасбихІунас кері зияратличибтас лукІа. Малаикунни Сай идачивад чеверхахъес Аллагълизи ﷻ тиладибикІар. Зияратла илгъуна баракат биахъес багъандан гІягІниси саби зияратла баракатличи уркІи-уркІили чІумали вирхни, пикуруми хІялалти дигъни, къас умуси биъни, уркІила умуси къас мухІлилира бурни, аркъухІели ва чарулхъухІели, зияратла адабуни гъарацІ хІедарни.

Лаббайк, Аллагъумма лаббайк!!!


Чирклейлизивадси дурхъаси шейх Сягид-афандини «Идбагуначила история» биклуси жузлизиб «Чевяхъси Къудратла Вегила бегла гьегъиси белкӀ – Къуръанничи хъарихъули, ил хъулчили буцили, дунья акӀнила историяличила бурули сай. Шинничил дунья буи гьегъи, Чевяхъси Къудратла Вегила КягӀба зубрачи ахъбуцини багъандан, ванзаличиб хӀяж дурабуркӀни къябаибсири.

Чевяхъси Къудратла Вегили Ибрагъим идбаглизи ﷺ багъахъайчи, ил лебси мерра чилилра балуси ахӀенри. Аллагълиси ﷻ дурхъаси ванзаличи сагали хӀяжликъянаби башахъес дигиатурхӀели, сунела гӀялхӀас баракатла — эркиндешла юрт барахъес ибси багъахъни Ибрагъимличи бархъиб. Закиб дакӀубухъи, вьашхӀебухъи ца мерличи мерлабиубси дирихъла кӀанала дяхӀицили КягӀба барес гӀягӀниси мер чебиахъулри. Закибад бакӀибси тӀамалира иргъахъулри дирихъла дяхӀицили буцибси мерла дазурби хӀясибли КягӀбалис хъулчи кабихъахъес, хӀяжликъянабас илдалацад битӀакӀ хӀясибли керӀ баахъес, шел дубурализирад къаркъуби касахъес. Илди сарри — Туру Сайна, Туру-Зайта, Ливан, Джуди ва Нур дубурги. Чедибад бакӀибси хъарбаркъ хӀясибли Ибрагъим ﷺ идбаг Аллагъла ﷻ юрт барес вехӀихъиб. Къаркъуби гъамдирули, чят балшули, илала кумекчи сайри сунела урши ИсмягӀил. КягӀба бирули бузути дудешличира уршиличира Абу-Къубайс дубурличибад тӀама бакӀиб, дихъалис кабихъибси касес замана баъниличила, ил арбухес Ибрагъим вакӀес гӀягӀнили биъниличила балахъуси. Дубурличичи чевяхӀухъунси Ибрагъимла ﷺ хӀулбала гъалаб байхъала дубура гъятӀкабиуб, илаб дигӀянабарибси цудара къаркъа чебаиб. Халал яра биштӀал хӀяж бируси чи виаллира, дигеси саби верхӀна КягӀба

имканти кавлули ахӀен (пикридухъеная, цазаманализиб илала алав башути тӀаваф бирути чумал миллион адам!). Ил багъандан ил къаркъаличи гъамбухӀели, хӀяжликъянабани, балуй някъ ахъбуцили, байбарили Къаркъала шайчи кабурцу. Ил барес имканбакӀибсилес биалли, Къиямала бархӀи дебали къияндикибти мераначиб, Цудара Къаркъали кумек гӀеббиахъу. Динна гӀялимтани чула жузазиб бурули къайда, Цудара Къаркъала хабар ишгъуна саби. Нушала Хала дудеш Адам ﷺ алжанализив вирухӀели, иличил варх мурталра малаикра вирусирӀи. Адам ﷺ анкӀила лугиличи гъамиубхӀели, малаик иличивад цакъадар тӀяйдили увухъун. Аллагълиси ил секӀал хӀясиббийни багъурси малаик урузвиънила халадешли, къаркъаличи шурухъунсири. АнкӀила къякъ берки гӀяйиблавиубли Алжанализивад дураушибси Адамли ﷺ ил къаркъара сунечил барх ванзаличи хибсири. Гъаланачи ил къаркъа цӀубдешли цӀяр-цӀяр или ухусири. Къаниван, адамтала бунагъунала дахъдешли, ил цӀударкабухъунсири. Эгер цӀубли калунси биаллири, илала лебил дуньялиси баари шала бирусири. Къиямала бархӀи ил къаркъа сагали малаикличи шурбулхъан — уркӀи-уркӀилабад Аллагъличи дугъабилзути лебтасалра декӀар-декӀарли бурули бикъридеш диру. Илгъуна саби буруси Цудара Къаркъаличила. Гъарлимарси хӀекъдеш биалли ца Аллагълициун бала. Ибрагъим Идбаг ﷺ хъуравиубли калунси (КягӀбаличибад ца чумал метрла гъамли мерлабиубси) ил мерлис «Ибрагъимла макъам» бикӀар. Къаркъали биалли, духби ахъдурцуси кранниван, идбаг ﷺ ахъра урцусири, гӀяшра вирусирӀи (КягӀба лушули узухӀели). Илра Адамли ﷺ Алжанализивад дурасибси жагали ухуси къаркъа саби. Аллагъла юрт барили балкъаурхӀели, Чевяхъси Къудратла Вегили Ибрагъим идбаглизи ﷺ багъахъурси ила аданти жибарахъес. Илала жилис жавабли биахъубли, «Ляббайк» («ХӀера, ну хӀела гъалав-гъалар сайра-сарра») или, чус хӀяжбарес къадарбиести ле-


дурабуркӀнила къяйдуртачил тянишбариб, илдани ил дураберкӀиб. Илкъяйдали хӀяж дурабуркӀни лебил жамигӀятлис чебсиле бетаур. ХӀяж дураберкӀес къасли хъайгӀивад дураухъунси чи виаллира, кацӀибси гъарил ганзлис шабагъатлавирули сай. Гъарил ганзлис бунагъунира уркадурцули сари. Илкъяйдали кунглизиб белкӀи саби хӀяж дураберкӀибсила халати ва диштӀати бунагъуни уркадурциличила. Къудратла Веги хӀяж дурабуркӀутачив илцадра разили сай. Ил дугъавилзули сай малаикуначи, илди хӀяжликъянабачи хӀербизахъес. Илис умудеш дигахъу, илди Сунела

рили бирар или бурули саби. Аллагъ икъалавиаб нушаб лебтасалра, илала пасихӀдешуни хъулчилидуцили хӀяжла гӀядатуни дурадиркӀахъес. ПӀярафала дубурличив Аллагъ гъаникахъили, уркӀи кӀантӀибакӀахъибси, Минализиб къурбанра белгъунси, бекӀра бялгӀяхъунси чи виаллира, ил адам лерилра бунагъуназивад умувирули сай. Илдас дирути гӀяхӀдешуначила ца Аллагълициун бала, Къиямала бархӀи Илани илди Жагъанаблизибад урцахъу, ва Сай разитала уртаб илдас мер биру. Къиямала бархӀи илдигъунтас Аллагъла гъалар Цудара Къаркъалициунра



гъала умули дакӀубухъахъес багъандан. Идбагунни ва Аллагъла вакӀити башули калунти мер-мусаличи хӀяжликъянаби чарх-бекӀра дирцили (гъуслу барили) ихӀрамчебли бакӀес хӀяжатси саби, илди мераначи укънилис керӀ баахъес багъандан. ГӀялхӀад яра сегъуна-биалра гъунибаъниличичи аркъухӀели нушани хӀяракат бирули дирехӀе жагали палтарла дегӀдиес. Къудратла Вегилис биалли дигахъу Сунела гъала ца гӀядатла палтарли бегӀбиубли бакӀили. КягӀба бусурманти багъандан Аллагълизи тиладибулхъан чарх бирцес сунечирад палтар чердатурли, хӀяжликъянас гъанбикахъес чебиркур, сай дуньяличичи чӀянкӀули дакӀуухъниличила ва Къиямала бархӀи Аллагъла гъала чӀянкӀули калзничила. КягӀба алав дашухӀели (тӀаваф бирухӀели) илдас чебиркур чучи уркӀецибарахъес, Сунела уркӀецили, умутличил ила бякъунтала балгни жаваб агарли хӀедатахъес ибси тиладиличил, уркӀи-уркӀиларад Аллагълизи ﷻ дулгес. ПӀярафала дубурличичи тӀашизурхӀели, ца чекадикъурхӀеливан буцӀарси бархӀилиур ПӀярасала диркъаличи кадизурси бархӀила къияндешличила гъанбикахъес чебиркур. Иличибли уркӀиличиб урехи акӀахъес багъандан. ДибгӀянти къаркъубира касили, Муздалифала майдан бархъбалтухӀели биалли, бунагъунани бицибси гавлагра архули, шайтӀунти сипатдируси лацла бяхӀлизи илди игъадли, хӀу лерилра бунагъ-хатӀализивад умувирусиван гъанбикахъес чебиркур. Минала майдайчир хӀяжликъянала бекӀ бялгӀи кадикибти гъезцад ПӀярасала дубурличиб нурла шала пешкешба-

ахӀи, КягӀбалира шафагӀятдеш диру. Муса идбагличи ﷺ бархъибси Торализибадра КягӀбала илгъуна къадриличила бурили саби. Къиямала бархӀи Аллагълиси ﷻ КягӀба кахъес млаикунни бурхъу. КягӀбаличи 700 малаик лябкъян. Илдани мургъила ражажуначил КягӀба арбулес балбилзан, амма КягӀба илдачил хӀякъян ва сунела тилади дурабуркӀу: "Дила ца тилади барайчил ну хӀякъясра". Малаикуни Аллагъличи ﷻ бакӀили кабикибси анцӀбукъ баянбиру. Аллагълиси ﷻ илди итира далути сари, амма Сунела гӀядат хӀясибли гъарил секӀайс гъаб-гӀегъидеш балтули бирар. Аллагълира ﷻ малаикунази сунела тилади дураберкӀахъес батахъес хъарбиру. Малаикунани КягӀбализи илгъуна имкан бедибхӀели КягӀба бикӀар: "Ну хӀякъясра лебил набчи зияратли бакӀибти дила мякълаб цалабахъяйчи". Малаикунани ил секӀал Аллагъличи ﷻ абиахъу ва Аллагълиси ﷻ КягӀбала тилади биру. КӀинейсра малаикунани КягӀба арбулес балбизурхӀели ил хӀякъян гӀурра тилади барайчил. КягӀбализи сунес дигуси дураберкӀахъес ихтияр бедибхӀели ил бикӀар: "Ну хӀякъясра лебил набчи зияратли дурабухъи ахӀебаибти дила мякъла цалабахъяйчил". КягӀбала ил тиладира барили, ПӀярасатличичи арбулес балбизурхӀели гӀурра тӀашбизур. ИлхӀелира сунес дигуси дураберкӀахъес имкан бедиб. Ил бикӀар: "Лебил набчи бакӀес дигули амма имкан хӀебакӀили калунти дила мякъла цалабахъяйчи ну хӀякъясра". Аллагълиси ﷻ КягӀбала ил тиладира биру. Пур КягӀба ПӀярасатличичи аркъян ва сунела мякълаб лебил сунени шафагӀят барибти гӀязабзибад берцахъили цалабирхъу.



алавбирухӀели, балуй някъличил ил къаркъаличи къячикни яра ил байбарни. Пегъисчи замана биалли, ила башути адантала бахъдешли, ил къаркъаличи гъамиес илцад декӀар

билра дуньяла гӀяламатли — жаваб чарбалта. Илис гьегъи Ибрагъим ﷺ идбагличи Аллагъли хъарбариб хӀяж дураберкӀахъес. ЖабрагӀил малаикли дудешра уршира хӀяж

Зуль хИджа - хИяжла баз

1 « ХИядислизиб бурули саб: «Чузиб гIяхIси гIямал барес гIяти дурхъати бархIни агара Зуль хИджа базла вецIал бархИличиб». ИлхIели Идбаглизи   хъарбаиб Аллагъ багъандан гъазаватлизи дураухъниличибра дурхъатив или, Идбагли   иб гъазаватличирра дурхъати сар или. Пурра хИядис бурули саб: «Чузиб гIибадат барили Аллагълиси   гIяти дебаби дигути бархIни лерти ахIен Зуль хИджала вецIал бархИличир. Ихти бархIнала гъар бархИла дуббуцар лебил дус дуббуцисиличи цугбиркуси саб. Ихти бархIназиб, гIибадатлизиб мицIирбарисси дуги, лайлатуль къадрила дуги мицIирбарисиличи цугбиркуси саб». Муса идбаг   Аллагълизи   викIули сай: «Я дила Аллагъ, ну ХIези улгули калунра амма ХIуни жаваб чархIебатурри, ну ХIези улгесигъуна секIайчи бурсиварабагу». Аллагъли   илизи иб: «Я Муса, Зуль хИджа базла вецIал бархIи дакибхIели ла илагъа иллаллагъ викIен, Нуни хIела хIяжат бирис». Муса   викIар: «Я Аллагъ, ихти гъай лебил ХIела лугърани дурутигу». Аллагъ   викIар: «Я Муса, марлира ихти бархIназиб гъачам ибси ла илагъа иллаллагъ, умцантунала ца къамла верхIел ванзара, верхIел закра кадибаллири, декларси къамла ил кабихъаллири, ла илагъа иллаллагъ декIбири». Нушала Идбаг   викIули сай: «Аллагъ   Адам идбагличивад   Зуль хИджа базла цаеси бархIи чеверхурсири, ит бархIи дуббуцисилара Аллагъли   лерил бунагъуни умудуру. КИэси бархИлизиб Аллагъли   Юнус идбагла   балга къабулбарили хIутла канилавад дурасиб, их бархИлизиб

дуббуцисси, лебил дус сегъуналра бунагъ хIебарили Аллагълиси   гIибадат барисигъуна вирар. ХИябибил бархIи Аллагъли   Закарияла балга къабулбарисси бархIи саб, их бархIи дуббуцисилара балга Аллагъли   къабулбуру. Авэси бархIи Писа   акIубси бархIи



саб, ил бархИлизиб дуббуцисси Аллагъли   балагъуназибадра, мискиндешлизибадра верцахъили вихIу, Къиямала бархИра дяхIцIилиуив ва тяхIудешлизиб вирар. Шуибил бархIи Муса   акIубси бархIи саб, их бархIи дуббуцисси мунафикъдешлизибадра, хIябла гIязабтазибадра умувирар. Урегибил бархIи, Аллагъли   сунела Идбаглиси гIяхIти гъардарисси бархIи саб, их бархIи дуббу-

цисиличира Аллагъли   уркIеци гIингIибирар ва итала гIергIи сенилра гIязаблизи лайхIейкIу. ВерхIибил бархIи Аллагъли   Жагъанабла унза къапIдарили, ихти вецIалра бархIи ибхъути ахIен, их бархИлизиб дуббуцисилис Аллагъли   30 унза

къиянтала къапIдиру ва 30 унза кункдешла гъардиру. ГехIеси бархIи тарвиятла бархIи бикIан саб, их бархIи дуббуцисилис кери бедлуга Аллагъли ахIенси чилилра хIебалуси. УркIемеси бархIи гIярафала бархIи саб, их бархIи дуббуциссила арбкъунси дуслара, лябкъуси дуслара бунагъуни умудуру. ВецIеси бархIи къурбантала бархIи саб, их бархИлизиб къурбан белгъунсилара, сунела хъа-

либарглара, ил къурбан барисси мицIираглизирад дураухъунти хIила гъар кIантIис бунагъуни умудурути сар, их бархИлизиб чили бусурман вахаллира, яра садакъа бараллира, къиямала бархIи Аллагъли   сай лерил балагъуназибадри верцахъили алзахъу, умцантуначиб сунела гIяхIти гIямалтала шали ухIудла шурличибра декIли бирар». Суфьяну Саврини бурули сай: «Ну Басрала шагъарализив, бусурмантала хIябрала алавалавикули леври, ил заманализиб ца адамла хIябличибад нур дакIубиуб, ну пикриухъи тIашизурра, илхIели ахъси тIамала бакъира: Я Суфьян, хIу Зуль хИджа базла вецIал бархIи дуббуцисиличив даимви, илхIели хIедра бирар ихгъуна нур». Пурра Идбаг   викIули сай: «Зуль хИджа базла бегIла гIергIиси бархИра, мухIярам базла цаеси бархИра дуббуцисилини, аркъуси дусра дуббуцарли таманбиру лябкъуси дусра дуббуцарли бехIбирхъу, Аллагъли   илди дуббуцури 50 дуслис кафаратли детарахъу». ГИяшатли хИядис бурули сар: «Идбаг   викIар, Аллагъли   Жагъанаблизибад гIярафатла бархIи дураути аданти цалра бархИлизиб дурахIейу». Нушала Идбаг   викIули сай: «Ихти бурхIназиб Нунира, Наб гъалаб калунти Дила узбанира ирути гъай ла илагъа иллаллагъ вахIдагъу ла шарикалагъ ибти сари», илбагъандан нушанира ихти бархIназир ихти калимаби имцIадарес къайгъи бирехIе. Аллагъли   нушаб дуббуцури дуцахъес ахъирира габ, илди къабулра дараб! Амин.

Идбаг   висивиахъибси суал

Мааз ибну Джабал викIули сай: «Нуни ишбархIи Идбаглизи   ира: «Я Расулаллагъ, хIуни набзи аргъахъагу ишди гъайла мягIна – «Мукекилизи уфъируси бархIи хIуша ляркъядая къукънадли».

Идбаг   висикайиб, хIулбазирад чяхIдурхъунти нургъбани сунела палтар шинкIадиэсли. Пур иб: «Мааз, хIуни набзи халаси анцIбукъличила хъарбаири. Дила уммат абурцу вецIну кIира журала хIяйчиб:

Цаэси тайпа чула хIябразибад абурцу къяшми-някъби агарли, цали тIамадиру Аллагъла шайзирад: ишди саби чула унрубас вайдеш бирули буибти. Их саби чус жазаъ, ишди аркъуси мерра жагъаннаб саби. СенахIенну Аллагъ викIули сай (мягIна): «Нушани инсайчи хъарбарра сунела мякълавси, унраличивси адамлис гIяхIдеш бирахъес»;

КИэсил тайпа чула хIябразибад цурала суратличил ахъбурцу, Аллагъла шайзирад тIамадиру: «Ишди саби дехIиба шайчиб азгъиндеш дирули буибти, ишди аркъуси мерра жагъаннаб саби, сенкIун дехIибала хIедирутас танбихI бируси саби»;

ХИябэсил тайпа чула хIябразибад абилзахъу кумби дубуртицад даахъили, чIичIлумара гIякърабтара дицIахъили, умхIачи мешутили. Аллагъла мякъларад цали тIамадиру: «Ишди саби закят хIелугули калунти, ишдасра жазаъ саби ихгъуна, саби аркъуси мерра жагъаннаб саби».

Авэсисил тайпа саби хIябразибад мухIлубазирад хIи чяхIдикIули абурцутала. Аллагъла шайчирад цали тIамадиру: «Ишди саби чули вачарчакарлизиб къяна-шилтахъ барибти, ишди аркъуси мерра жагъаннаб саби, сенкIун Аллагъла уличил чули дарибти хъямала ахиратлизиб гIяхIдеш хIебирар я саби бунагъуназибад умухIебирар»;



Шуэсисил тайпа саби хIябразибад бемдурли абурцутала, илдала дерхIибти хамхнира дебаби гIягдикIули дирар. Аллагъла шулгIирад цали тIамадиру: «Ишди саби чула бунагъуни дигIянадирули калунти, адамтазибад урухIули, Аллагълизибад урухIекIули буибти, ил багъандан тавбухIедарили бекIибти. Ишди аркъуси мера жагъаннаб саби»;

Урегэсисил тайпа саби хIябразибад

чула хъубрира сурсанира чердахъили абурцути. Аллагъла шулгIирад цали тIамадиру: «Ишди саби къянала бикъридеш дирути. Ишди аркъуси мерра жагъаннаб саби. АллагъкIун илдази махикIусири къянала бикъридеш хIедирахъес».

ВерхIэсисил тайпа чула хIябразибад лезмуни агарли абилзутала саби, илдала мухIлубазирад сахара хIира

чяхIдикIули дирар. Аллагъла шулгIирад цали тIамадиру: «Ишди саби хIяжатбикисси мерличир бикъридеш дарес музахIебухъунти. АллагъликIун бикъридеш дигIянмайридая или хъарбариссири. Ишдасра жазаъ бирар, саби бурхъуси мерра жагъаннаб саби».

ГехIибил тайпа абурцу хIябразибад бургира гIяшдуцахъили, илхIелира бурги къяшмачир гIяшли диэсли. Аллагъла шулгIирад цали тIамадиру: «Ишди саби зинакарти, тавбухIедарили бекIибти. Их саби чус жазаъ, бурхъуси мерра жагъаннаб саби. АллагъликIун илди махбарибтири зинализибад гъарахъли буахъес».

УркIемъибил тайпа саби хIябразибад дяхI цIударли, хIулби хъанцIли, кумби цIали дицили абурцутала. Аллагъла шулгIибад илдасра цали иру: «Ишди саби ятим дурхIнала мас беркунти. Зулмурта биркъули сари

илдани чула кумби цIали дицIахъибти. Ил барибти СагIир бикIуси жагъаннаблизи кабурхути саби».

ВецIибил тайпа саби хIябразибад къявгала изай (проказа) буцили абилзутала. Илди саби чула неш-дудешличилехIХIейхъули калунти. Илдала мерра жагъаннаблизиб бирар. АллагъликIун хъарбариссири бегIтас гIяхIдешуни дирахъес.

ВецIну цара ибил тайпа саби чула хIябразибад уркIби, хIулби сукъурли, чула цулбира багъала мукекиличил мешути, чула кIунтIуби мишхиртачи кадаибти, лезмуни биалли кумбачира къяшмачира кадиути ва жаргедешунази гIелабикили абилзутала. Илди чуби держли бужули калунти. АллагъликIун держ дужахъесра, палбуршахъесра, шайтIунтала гIямултазибадра гъарахъли буахъес махбарибтири. Илдира жагъаннаблизи бархъили бирар.

ВецIну кIира ибил тайпа ил хIябразибад чула дяхI вецIну шура ла бацлаван ухули абилзутала. Илди сиратIла гумиличибад къукъулямцIван кункли шалгIебулхъан. Аллагъла шайчибад илдас цали иру: «Ишди саби гIяхIти баркъудлумицун дурадуркIули калунти, ишди саби бунагъуназибад умути, Аллагъ чуни разиварибти ва Ил чучи разивуибти. Чучи черти шудехIелра дехIибала заманаличир дирули калунти муъминти. Ишди алъанализиб бирар».

Дила динла узби ва рузби! Нушаб игъбарбаиб вецIну кIира ибил тайпа-лизирадти дирахъес. Аллагъ   икъала-виаб нушаб икIди вецIну царалра тайпализирад дерцахъес. Амин!

Дунъяличибра алжана лебси саби, илара хіяжликъянаби гъар дус башар

Хіяжла замана гъамбиклули саб. Хіяжлизи аркъянтаци букъяс имкан агарти цуба урки-гъергидешличил хлербиклули саб.

Марлира, уркилаб камси иман лебсира хіяжликъянабачи урки-гъергъили виар. Сен? Сенахленну ит Аллагълиси   веґлара диган Хіябибла   ванзаличи аркъуси сай, МухӀяммад   вашули калунси ванзаличи аркъуси сай, Къуръан хъурбарибси ванзаличи аркъуси сай, нушал Идбаг   хіяривихъибси ванзаличи аркъуси сай. Хіяжлизи аркъуси адамлис сегъуналра шишимъала лебси ахӀен, сай бунагъуналара умувиибли итав вебӀес къадарбиалра халаси ниґмат саб. Ит ванзаличив изайзи викаллира халаси ниґмат саб, сенахленну итаб барибси гӀямал веґнади дурхъаси саб, изайра бунагъуни умудирути сар, илбагаънадан итав изайзи викибсила веґкадди имґиякъ бунагъуни умудирути сар. СекӀал бигӀнила, бетакънила шишимъала агара, итра веґкадди имґабарили Къиямала бархӀи гъала лебху. Иш дунъяла къакъличиб гъати жагаси, гъати гӀяхӀси мерра агара. Буґарси берхӀи биалра, илини къаркъа лебил цӀакъ архӀеху. Ца камли гӀяжиз виаллира замзам шинличи хупвикалли лебил къаркъала сагабиру. Амма нушала адамтази ца камси тилади леб. Хіяжлизи Аллагъли   живарибси ахӀенси аркъуси ахӀен. Гъачам ита арякъунси гъати вакӀес биркурал балуси ахӀен. Илбагъандан лерил дунъяла пикруми, лерил уркиларти гъимикъакъадеш хъулир датес хіяжатбиркур. Арц барес вачар бухили аркъуси итала дурабад силра агарли чарухъес асубиар. Арц баресра, цархӀил баресра мурталра дирехӀе, чинар дигара дирехӀе, амма хіяж чинабалра бетхӀерар, бетаруси мерличи дигухӀели дукъясра имкан агара. Дурхъати ванзурбачиб цалацала кеп хӀебехъес къайгъилизи дикахъес тиладибирулра, гӀяйӀиб баресигъуна баркъудилизирад гъаракъдикни тиладибирулра. Бунагъла секӀайзирад гъаракъдикни тиладибирулра. Аллагъли   саби дурхъабарибти, дурхъати ванзурбалра агъула хӀурматхатир бихӀни тиладибирулра. Сегъуналра къиян бакӀалли иличи сабур барни тиладибирулра, марлира Аллагълиси   диганти балагъуначил ахтардибиру. Аллагъли   дурхъати ванзурбачи жибарили, итаб балагъуначилра ахтардибарибти адамти разили биӀс чебла саб. ХӀушачив халал варили каватурсила ибси бирни тиладибирулра, марлира Идбагла   хӀядис леб: "ХӀушаб халал варили цудара лагъ каваталлира итисра мутӀигӀдакӀирая". Хъулибтас савгъатлис багъала секӀал асес мадузудая, замзам шинличибра чумиздагличибра дурхъаси силра агара, илди хадали хъулибтас диур. Аллагъли   лебил хіяжликъянаби арали, сагъли, хіяжра бетаахъурли, илра къабулбарили хъули чарбухъахъаб. Хъулиб калунти илдала балга-дугӀялизира кумхабараб. Букъяс дигули хӀябкъунтира, челябкъуси дуслизиб букъяс къадарбиаб! Амин.

Аллагъличи   лагъ веґлара гъамвируси мер – суждализиб саби

Нуша аклахъубси къудратла Веґлис   суждабирниличи гъуни гъарил ил барес дигусилис гъаргси саби, ил барес гъариллис гӀяжатси биънира гӀячихъси саби.

Илкъяйда биаллира, Къудратла Веґлис   дигули ахъалли, илини цабехӀ гъуйчибад чеббулкахъули сай, цабехӀ бархъси гъуйчибад башахъес махбирули сай. Гъарли-марли, илини чи бархъси гъуйчибад вашулилра балули сай. Къудратла Веґлис   къуллукъбирни (гибадат) — ил гъарил адамла гӀямрула мурад ва багъуддумала сархибдеш саби, ил, Аллагъла   марси лагъла ахирласи мурад саби. Гибадат — Аллагълизибад урухӀлутала гъуни саби, уркилизив Аллагъ   левтала сархибдеш саби, талихӀличи ва алжайзи аркъуси гъуни балутала баркъуди саби.



Сунезиб гъарли-марси чебяхӀдеш лебси, къудратла Веґли Аллагъли   буриб (мягӀна): «Ну хӀушала Аллагъ сайра, хӀушани наб сужда барая» (сура «Аль-анбия», аят 92). ЧевяхӀси гӀялим имам Абу ХӀамид Аль-Гъазалини сунела бегӀла гӀергъисигъуна «Мин-гъаж аль-гӀабидин» бикӀуси жузлизиб лукӀули сай: «Сужда бирнила гъуйчила ну пикриухъунра ва ил гъуйчи кабизуртани бехӀбихъудличибад ахирличи бикайчи ил бирнила тяхӀуртачила пикривикӀули калунра. ИлхӀели нуни ил гӀибадатла гъуни диркъси хӀебигъни ва ахъес къиянси биъни аргъира, иличир дахъал гъалабизуни лерти диъниличила багъурра, дахъал гӀязабти лерси биъни аргъира. Ил дебали бухъянси гъуни саби, ва ил гъуйчибад башес дурабухъунти дахъал къиянтаци ва имтихӀянти дунниличи хӀяжатбиркути биъни багъурра, лерилра илди чекасес хӀяжатси биънира багъурра. Ил гъуйчир чумилра чехӀедиути урехила меранира лерли дуили сари, хӀятта балагълизи викахъес кадагурти тӀимкъличи булан вяхӀагес вирули сай, ил гъуйчиб бахъал душмантира къачагъунира къаршибикес бирули саби, илдани Аллагъличи аркъуси гъуйчибад вашусилис вай барес илдани дахъал гӀямулти дакӀудирли саби, илди хӀушачи чебулхъули саби ва гъара бирули саби. Ил гъуйчиб хӀела шайчи кабизурти бахъал агара, агара хӀечил барх башутира, хӀед гӀергъи башутира. Илкъяйда биӀсра гӀягӀниса

саби, сенкӀун ил алжайзи аркъуси гъуни саби». Лерилра илди секӀай марбирули саби нушала Идбагла   ишгъуна хӀядисра: «Гъарли-марли, алжан хӀейгути секӀай алавбуцили саби, жагъаннаб биалли, адамлис имґали дигахъути секӀай алавбуцили саби». (Бухари, Муслим).

Пикри бяхӀичаая: гъарли-марли, алжана чумати гӀянжиличилси ахъси дубурагъуна саби, иличи аґӀес гъамадси ахӀен, жагъаннаб биалли кӀантӀиси гӀянжиличилси диркъа саби. Ил пайдалабарес къиянси ахӀен.

Иличил барх, ил гъуйчибад аркъуси Аллагъла   лагъ дебали гъунарагар сай, заманара къалабаси саби, динла гӀядатунни дузахъесра гъамадли ахӀен. Ил дуб-дубли цӀакъанала шайчив хӀялагарси ветарули сай ва гъуйчибад гӀелавяхӀи чарухъес вализули сай. Ил ахъес къиянси гъуйчиб кумек барести дебали камти саби лебти, Къудратла Веґли хъардарибти тамандирес гъамадли ахӀен, сенкӀун гӀямру къантӀи сари ва ургар кавлахъути дахъал сари. Нушани бирусиллис хӀеруди бирусини лерилра секӀал чедиули сай. Илини балули сай бебӀа гъамбиклули биънира гӀямру къантӀи диънира. Суждабирни биалли ил къиянси гъуйчиб хӀед икъалабируси беркеси саби.

Гибадат — ил бетакъибси секӀал саби, ил сунела саби чарбулхъуси ахӀен. Ил баркъудилизиб сархибдеш биахъубси чедивиркули сай ва ахир агарси талихӀличи виули сай. Ил барес хӀейубси биалли балагълизи бикӀбти лугърачил кавлули сай ва цархӀилти бубкӀутачил варх убкӀули сай. Ил багъандан илди имтихӀян дебали къиянти сари. Ил халаси урехиличилра бархбасунси саби.

Ил багъандан саби ил гъуйчи кабизс дигутира бахъал лебти ахӀен. БикӀуливан, мурад халаси сабхӀели, иличи хӀечил барх баӀс дигутира бахъал агара. Илгъуна гъуйчи кабизес дигутазибадра бахъалис иличи кабизес къасбарес къиянли саби.

ГъатӀира камти саби ил гъуйчиб мурадличи баибти ва сархибдеш биахъубти. Илди Сунечи ва багъуддумачи дигили биӀибти биъни багъандан Къудратла Веґли сунела лугъразибад чеббикӀбтицун саби. Къудратла Веґли илди сунечи аркъуси гъуйчиб цӀакъбирахъули сай, илди гӀеббурцули сай. Ахирра илди гъала гӀашбатурси мурадличи — алжайзи биахъули сай. Нушанира къудратла Веґлизи сунени чеббикӀбтала лугӀилизир диахъес тиладибирулра.

Зайн аль-ГӀябидин викӀусири: «Нуни далути багъуддумазирад бегӀлара къиматчертигъунти дигӀяндирулра, цӀябси адам илди чедаибхӀели балагълизи хӀейкахъес багъандан». Ил шайчив илис илала хала дудеш гъатӀира гъалаухъунсири, ил викӀусири: «Сецад лерти къиматчерти дугъби?! Нуни илди дурасли — ну къяринчикъунас суждабирнилизив гӀяйиблаирура».

Дин иргъути ва балути адамтани пикрибирни хӀясибли, илди биалли Аллагъли   аклахъубтазибад бегӀлара хӀурматла саби, нуша лебтачилра ряхӀмучерли хӀердикӀес гӀягӀнитира ва жаллизи кадилзес гӀяхӀнитти ахӀенра.

Пикридухъенная!!! Халал замана агара!!!

- 1   11. Сагаси наслули чус гъалабси наслу цӀябсиллизи халбирули саби.
12. Умутбихъести адамти камбикӀули саби. «Пулан мерличиб гӀяхӀти адамти теб» бикӀес бехӀкабирхъур.
13. Пулан адамлис «гӀяхӀси сай» бикӀули хъалли, илизиб селра гӀяхӀси баргес вирули ахӀен.
14. Адамти кабуршнила, пунтбирнила ва бижгурти анґӀубкуни имґадикилули сари.
15. Мурул адамти архӀя (шелк) палтарличил башули саби.
16. Сунналичибад чеббулкӀули саби ва динничибад тӀядибиубти, ил гъарцӀибурути

имґабикӀули саби.

17. Дажжалла шаликартани адамти бархъси гъуйчибад чеббулкахъу.
18. Гъар мерличиб зурмукартира гуж-зулму дирантира имґабииубли саби.
19. Бархъси буруси хӀелтанбирули саби.
20. Жагъилтани дахъал бунагъуни диру, хъунул адамти хъархӀердешлиубад уббулхъан.
21. Адамтала ургаба диги камбирар.
22. Бунагъуни гапдирес бехӀбирхъур, дин бузахъни цӀахси баркъудилизи халбиру.
23. Динна шайчирти къуллукъуначила хъумкарту.

24. Хъунул адамтани бекӀличир дахъал журабала кӀумби-къапӀни диху; илдачир палтар лерли диалра, чӀянкӀули бирар; къаркъайчи челкути палтар диху.

25. Муйлас вершадеш дирути хъунул адамти бахъбиур, къехӀбадеш имґадирар.

26. Исламлизибад ца упун кавлан, Дурхъаси Къуръаннизибадра ца чебиъницун кавлан.

27. Адамти гӀялимтаци лехӀхӀейхъути бетарар ва имґали цӀябти адамтала асарлиу биркур.

Гъанна хӀушани Идбагла 1400 дус гъалар гъандушибти лишанти ишбархӀила гӀямруличил цугдуца.

Хялалси къиян – дурхъаси хазна саби

Муртрил сахаватси ва бузери дигу-си хъубзара адам хлерирули уили сай. Илала азгъинти ва къиркъирти дурхъни буили саби.

Вебклес гъалаб хъубзарли дурхъни сунечи жибарили ва пулан мерличибси хъуличиб кур биркъадалли хазна бургида или бурили сай. Хъубзар вебклебмад илала дурхъни ургубализи дурабухъи саби ва дудеш виклуси хъуличиб хлебурикъибси мер батурли ахлен, амма дигъанбарисси хазна баргес биубли ахлен. Илдас гъанбикили саби сахаватси дудешли хазнализирти мургъи дутили уили



сай или ва умцлаби тлашаили саби. Пур илдала беклизи баклили саби: ванза баци-буркъили глергъи, иличи ризкъи деглес вираргу или. Узбани хъу анкили бегли саби. Чумал баз дикили глергъи давлачбси сабухъра бу-

чили саби. Анкни дицили дикибти арцлис илдас араглеб дус кеп-чеклизиб хлеркабизэс имкан баклили саби.

Сабухъ бучили глергъира узбас дудешли дигъанбарисси хазналичила гъанбикили саби ва хъу сагали буркъили саби, амма селра баргили ахлен. Чумал дула глергъи илди узби бузес бурсибиубли саби, илис гъалаб селра барес хлейгули бирути. Илхели шакбикили саби илди дудешли чус бяркъ бедес багъандан гямал пикрибарили виъниличи. Илди хялалти ва гялхси яшавличил хлербирути адамти бетатурли саби. Илди гур ванзалиси удатурти мургъиличира пикрибухъи ахлен. Яшав таманни гялхбухъунхели, илдани хазналичила таманни хъумартурли буили саби.

А д а м л а къ и с м а т л и ч и л а ва гямрула мя г н а л и ч и л а гилму руркънила баркъудира илгъуна тхялрличи бялхигули саби. Сабураргати, гяр секлал къалабали сархес дигути бучлантаци в а х л я г и б с и у ч и т е л ь л и с р а к ь и я н б у л х ь у л и бирар, илди бархъси гъуйчибад башахъес бялхичаэс. Илхели илинира бучланти цархил тхялрли бяркъличи биркахъули вирар, амма бучлантани учителлис сегъуна мурад сархес дигулил хлебадули биэсра асубирар, чула дагърила сядешли.

Вегла нафсличив чедивикни беглара халаси чедибдеш саби



Багъадла халиф Гъарун ар-Рашидли суфийтас гялхдешуна виркъес вализурсири, илди сунечил гъалмагъбикахъес дигули. Амма гъачамалра илис ил шайчиб сархибдеш биахъес имкан баклибси ахленри.

Суфийтани илини лугути нигматуни селизилра халдирули ахленри, илала лагъдешлизи бикес хлейгули. Маккализив хабардехурси супи Фузаил бин Ияз левниличила аргъили, Гъарун ар-Рашид ила укъес хъулухъун. Фузаил биалли гъалав къачагъдешра дузахъули калунси гялхгъабза адам уили сай. Халифличил къаршиикибмад Фузаил илизи виклули сай:

-Бусурмантала халавер! Ну

урухъултра хела жагати дяхл жагъаннаблизир дагъардиэсгу или.

Сунела гякълуличил супичи асарбарес вирус или гъанбикисси Гъарун ар-Рашид виклули сай:

-Иш дунъяла нигматуназивад хлечив имцали гелумизурси адам валаду хлуни?

Фузаилли жаваб бедили сай:

-Ху набчивра имцали гелумизурлири. Ну иш пана дунъялизивад ахиратлизирти нигматуни багъандан гелумизес вирус. Ху биалли гъаттира халати секлайзивад, имцали къиматчерти секлайзивад гелумизурлири - даимти дурхъадешуназивад.

Фузаилли халифлизи аргъахъили сай вегличивад вегл чедивикес виъни цархилти адамтас азир дус бекдеш дирниличибра къадричбси биъни.

Къаркъа камлис къулукъ барни

Нушани адам чеибхели, илизиб се-биалра хлясибирули дирехле. Селисалра гъалаб пикри бялхичиули бирар дяхл-някъличи. Хаслира хъунул адамли сунела къаркъайс къулукъ бирес чебиркур сунела муруйс жагали риэс багъандан.

Вялла камлис къулукъбирнилис хасдарибти секлал ишбархи дахъал журабала дурайули сари, илди дурглетира ахлен. Амма гъаман илдази дархаили химияла секлира къаршидиркули сари, чулира камличи тгягямагарси асар бирути. Илди лебталалра деклар камличира далдиркули ахлен. Камлис къулукъбирнилис хасдарибти дахъал секлал дуйбти сари нушала хала беглани пайдаладирули калунтира. Илдазибад заралра агара, амма илдани гялхси

асарра халаси бирули саби.

1. Кам савлира бархехъра умубиреная, гур хлушала камличи балбиркуси журала кам клантгибирахъуси крем бикеная.

2. Гяр бархи савли камличи ил мялхамбируси крем бикеная, илини хлушала кам берхила нурлизибадра мялхамбиру нясра хлебирахъу.

3. Дугели бакибси кремли хлуша дусуси замана дяхла кам сагабиахъес имканбиклахъу.

4. Тысячелистникла (ризкъили бегунси хъуличир гъалахлеб дашути вавни сари) гялхгъаллуми дархаибти шинничил савлира бархехъра дяхл-някъ иценая. Илхели хлушала кам тамашали клантиси ва умуси бирар.

5. Дяхла кам сагабиахъес вирар, байхъала хиял умубарили бибгъанбарая ва катанла бутализи бергурли глергъи гъяжбарили шин дураили. Илди шинни итмадан

кам бикуси саби.

Цедешла маскаби

1. Столоваяла къулса бицибти улелъа гялхгъаклая ца къулса ягъуртлайчил гъудурдарая. Ил гъудурмай вялхичи ва хъябличи бакая, дяхл ванаси вялхушкайчил кланпдарая ва илкъяйда чу-

мал минутлис батирая. Пур дярглибти шинличил маска бирцили убкасяя. Ил бирни къулайси саби аллергия багъарбулхъуси назикси камла беглгас.

2. Лямцбиклуси камличи маска барес дигули ахъалли, клел гинц диш-



хъили дибгъандарая, цакамти лимон гялхгъаклили даклахъибти шинра имцадарая ва ил гъудурмай буклула къат бетасли камличи бакая. Илкъяйда 10 минут батирая ва гур шичил бирца.

3. Маскаби хлулбалара клунтубалара алавти меранучи дирес асубируси ахлен.

4. Хлушала жагадеш мялхамбарахъес мурталра икъаладирули кавлан гъарра шайзибад балкабикисси беркеси букни, даарила къадарлизир шинкледешуни дужни, къяббердни хлебиахъубли физзарядка дирни, умуси гъава ва бизиси гъанк.

5. Клантгити учебушличив къакъ удили усалли, вялхичир ва хъябличир чучубалхуни камли алкан или бурули бирар.

6. Бяргибси кам паргъатбиахъес дигули диадалли, улелъара ягъуртра дархаибси гъудурмай буклула къат бетаахъурли камличи бакая.



Ну дудешли гужли шери редлугула. Гъамтанира ил гевурцули саби. Рурсила къисмат арзес дудешла къуллукъ саби, биклули саби илди. Амма наб цархил адам дигула ва иличибадти сукникьянабачи херлира. Сен чисалра дила гъайличи лехлахъес хейгуси? Илдани бируси шаригъят хясибли бархъсира?

Дудешлизиб рурсилизи хъархебаили ил шери редес ихтияр лебси саби, эгер рурси гъалар шерир калунси хериалли. Илгъуна ихтияр лебси саби дудешла шайчивадси хала дудешлизибра, эгер рурсила дудеш мицъирли агарли виалли. Илкъяйда бируси саби шери редлугуси чум дус рирулил херхеили. Шаригъятли илгъуна тяхяр кабизахъурси саби камти гъамрула хъунул адам гъамрула опыт агни багъандан сунес се баралли къулайсил белгибарес бажардихериркни багъандан. Дудешлис сунела рурсилис гъахъси биублицун дигахъу, илала гъамрула опытра халаси бирар ва рурси чис шери редалли къулайсил белгибарес ункъли бажардииркур. Илкъяйда бирахъес асубирахъуси саби даража хясибли рурсиличи валикибси адам чеввиркули биалли, ил рурсила даражала бегътас лугусигъуна масра бедес виэсли. Амма гъахъси саби рурсилизи дудешли чис рукъес дигулил хъарбиалли. Ил, суннат саби. Хъарбаибхели рурси лехкахъили риалли, ил къабулли риъниван халбируси саби. Хъунул адам гамъа риалли яра декларрикибси риалли, илизи хъархебаили, ил чилилра шери редес хейрар.

Хунира дудешлизи илала хурматбирули, адабличил хела пикри бурес рируд. Ху ураркъес дигути адапти лебниличила хуни дудешлизи нешла кумекличил аргъахъес рируд, цархилти гъамтачира дугъаризес рируд дудешличи асарбарахъес. Илхели ил илцад къаршили кахлейзесра асубирар, ху ггерурцутачи лехлизес асубирар.



Цуб арцлизирад дарибти талхяна пайдаладирес асухебирахъусира?

Ге, исламли я мурул адамлис, я хъунул адамлис цуб арцлизирад дарибти талхяна пайдаладирехъес асубирахъули ахен. Илди пайдаладарес асубирар цархилти талхяна агарси анцбукълизирцун.

Идбагла (с.г.в.с.) хядислизиб бурули саби: «Архя палтар чемалгъада, цуб арцлизирад яра мургъилизирад дарибти талхянализирад шинни мадужуда ва къацли мадукуда. Илди хебирхутас сари дунъялизир ва бирхутас ахиратлизир». (Бухари). Илдигъунти талхяна юртлизир жагадешлис яра цархил мурадлис дихнира гъахъси ахен.

Хурматла узби ва рузби!

2015 ибил дуслис «Ас-салам» газеталис къулбасбирес даимбиубли саби. Газета къулбасбарес вивар чиди-дигара почтала отделениелизиб. Илкъяйдали Дагъиста лерилра районтазибти нушала хянчизартачибад. «Ас-салам» газета къулбасбирули, Дагъистайзиб Ислам тинтбирнилизе хушалара пай кабирхулра... Къудратла ВеГ Аллагъли нушала уркъазиб иманра, Исламра, динниче дигира имцадараб. Дусла духнар дурадулхъути газетабала багъни бузри хясибли дарсдиклар! Дирхулра, нушала бучланти газета агарли кахлевлан.



Бурули саби, исламла цацадехити улкназиб бусурманти заманалис хъабируси тяхярра леб или. Асубирусив илкъяйда хъабирусес? Нушачирра лерара ил журала хъалибаргунни?

Исламли заманалис хъайчибабрахъес хяррамси саби. Никахъла шуртгразибад ца, ил белгиси заманалис хебирни саби.



Къаркъайчирти гъез авцали бархиличи урисес асубируси саби или бурули саби. Нуни ил секлал гъар жумягълизиб гъачам бирули виасли бунагъ лебсив?

Агара илизиб бунагъ. Къаркъа биркантичирти гъез урисни гъахъсиле халбируси саби. Ил бирни гъахъси саби жумягъли, цархилван буралли, жумягъли гъачам. Хуни бируси беглара бархъси саби.



Сегъуна анцбукълизиб асубируси бегтаци лехлейзес?

Бегтаци лехихъес ва илдала хурматбирес чебиркур илди динниче хебирхути биаллира. Бегтаци къаршили дураухъес асубируси саби илдани хушазибад талаббируси шаригъятла къанунтачи къаршиси биубси анцбукълизибцун. Амма бегтачил ургала хебуэс багъандан имканси бирес чебиркур.

Хурматла узби ва рузби!

Динничил дархдасунти, «Ас-салам» редакциялизи яра даргала «Ас-салам» газетала редакторличе суалти лердиалли, хушани телефонна иш гегъисе номер хясибли зянкъдахъес дирудая: +7 (988) 303 00 08 (Асхаб). Диубсигъуна кумек бирехле, ин шаа Аллагъ !!!



Сегъунти дехлбулти дархдирхъес асубируси ва илди секъяйда дархдирхъути?

Дехлбулти дархдирхъес вивар архяличивси замана. Дархдахъес асубируси саби херейсла дехлбала хери гегъи дирутачил ва бархехъла хъатлила дехлбайчил. Масала, хери гегъи дирути дехлбала херейс дирутачил дарх дирути сари яра иличи урглебли херейс дирути дехлбала хери гегъи дирутачил дархдирхъути сари. Илдигъунти шуртгри сари бархехъла ва дугела дехлбала дархдирхъанала шайчирра.

Дехлбулти дархдирхъути архябала шуртгри ишдигъунти сари дирути:

1. Архяла ца шайчибахъ гъарахъдеш 84 километрличиб камси биэс асубируси ахен;

2. Архя асубируси журала биэс гъагъисе саби, цархилван буралли, ил архяла мурад шаригъятли асудирахъутибадси биэс чебиркур;

3. Белгиси мурадличил гъаланачибал вягдалабиубси мерличе дурабуркуси архя биалли;

Адамлис хери гегъи дирути дехлбала херейс дарес ва дугела дехлбала бархехъла дехлбайчил дарх дарес дигули виалли, илхели чедир гъандушибтачил дарх гурра хябал шарт тамандарес чебиркур:

1. Гъала-гъала цаибти дехлбала дирути сари, хери гегъи дирути херейс дарес къасбарибхели, херила дехлбала гъалар дирути сари. Илкъяйда бархехъла ва хъатлила дехлбалара;

2. Ният цаибти дехлбала дарили тамандийачи бируси саби, гъатлира гъахъси саби киести дехлбала дарес ниятра цаибти дехлбала дарес бируси ниятличил бархъяхъалли;

3. Дархдирхъути кидехлелра дехлбала дарх дирути сари, суннатла дехлбала ургар хедарили яра ихтилатлизи гъудурхлейубли. Амма асубируси саби къамат баресра (дехлбала дарахъес жи).

Эгер адамлис дехлбала гелайзи ардухес дигули виалли, херела хери гегъи дирутачил яра бархехъла хъатлилайчил дархдахъес дигули виалли, илхели ишгъуна шарт таманбарес чебиркур: дехлбала гелайзи ардухес ният херела яра бархехъла дехлбала дириси замана таманбийачи бируси саби.



Астрономия баркъес асубирусив?

Астрономия багъес чебиркур къибла чинаб сабил, дехлбала дарес замана баили биъни белгибарес ва баз сагабиъни багъес имкан биклахъути дазурбала бухнабцун. Цархилти мурадунас ил руркъес асубируси ахен.

Рузнама

Сентябрь

Дни	Утрений Ас-Субх	Восход солнца	Обеденный Аз-Зугър	Послеобеденный Аль-Гаср	Вечерний Аль-Магъриб	Ночной Аль-Гиншаъ
1	03:30	05:12	11:52	15:34	18:27	19:57
2	03:31	05:13	11:51	15:33	18:25	19:55
4	03:34	05:15	11:51	15:31	18:22	19:52
6	03:37	05:17	11:50	15:29	18:18	19:48
8	03:40	05:19	11:49	15:26	18:15	19:45
10	03:43	05:21	11:49	15:24	18:11	19:41
12	03:45	05:23	11:48	15:22	18:08	19:38
14	03:48	05:26	11:47	15:19	18:04	19:34
16	03:51	05:28	11:46	15:17	18:00	19:30
18	03:53	05:30	11:46	15:15	17:57	19:27
20	03:56	05:32	11:45	15:12	17:53	19:23
22	03:58	05:34	11:44	15:10	17:50	19:20
24	04:01	05:37	11:44	15:07	17:46	19:16
26	04:03	05:39	11:43	15:05	17:42	19:12
28	04:06	05:41	11:42	15:02	17:39	19:09
30	04:08	05:43	11:42	15:00	17:35	19:05

Рузнама Мяхъячкъалала шагъарлис саби

Рекомендовано каноническим отделом Муфтията РД для г. Махачкалы